

3247

CODICES

3248

rum Priores IV. Historici; *Primus* enim Concilia usque ad *Nicenum* I. *Secundus* usque ad *Nicenum* II. *Tertius* usque ad *Romanum* IV. *Quartus* usque ad *Ferrariense* sub ipso *Eugenio* IV. percurrit. Liber *Quintus* de *Summi Pontificis Potestate*, *Sextus* contra *Patriarcham Antiochenum Confutationum*, *Septimus* *Repercussionum aduersus Antiochenum* inscribitur. Nihil de *duobus* his *Libris* ultimis aduersus *Jobannem Patriarcham Antioch.* unum e *Concilii Basil.* Praesidibus directis innotuit *Quetifo* T. I. p. 794. ubi tantum *Libros* V. censet. Itaque fortasse defunt in *Mss. Vaticano* et altero *Card. Bisciae*, quae duo solum *Quetifus* excitat. Quod vero ad totum Opus pertineant, Autor ipse in *Praef.* L. VI. declarat: *Aduersus hunc* (Johannem) igitur *sextus* hic atque *septimus* agitur *Liber.* *Jobannem* hunc acrem Potestatis Conciliorum supra Papam propugnatorem fuisse ex *Actis Basil.* et *Cod.* nostro *CCCLXVII.* liquet, quin ad illum referenda videtur *Inquisitio de Potestate Papae*, quae in *Martenii Vett. Scriptt.* T. VIII. p. 826. legitur. Non igitur mirum, impugnari illum a *Leone* nostro, cujus c. 14. L. V. inscribitur: *Quod Romanus Pontifex sit super omnia Concilia Uniuersalia*, et iterum c. 6. L. VI. *Quod summus Pontifex sit supra Concilium.* Praemisit ille *Libris* singulis *Praefationem* ad *Eugenium*, quarum, quae prima est, ita orditur: *Rerum diuinarum omnes admodum tractato-*

res, qui ad ecclesiasticam religionis disciplinam elaborarunt, ut aliquid suorum studiorum exponerent, id speciali cura mihi egisse visi sunt, ut aut utiles saluberrimasque institutiones, aut pernecessariam rerum gestarum seriem stilo texerent. Sane ad utramque se partem ex utroque linguarum genere Scriptores plurimi contulerunt &c. Vides dictionem hominis a monastica diuersam; sed neque eruditio, nec dicendorum ordo defuit, quamvis causa illius nostro demum aeuo procubuerit. Scripsit ille anno 1437. Ita enim habes L. III. c. ult. *At uero sumptibus et labore praescripti D. Eugenii et Imperator et Patriarca Graecorum cum multis illarum partium Archiepiscopis et Episcopis jam nunc his diebus, quibus ista conscripsimus, ad generale Concilium Ferrariae deueniunt, cujus Concilii Sessio prima celebrata est anno 1438. 10. Januarii.*

DCCCCLXVI.

Codex chartaceus lat. germ. 410
Sec. XVI. Folior. 228. f. continet Farraginem Scriptorum olim ad *Jobannem Fabrum* Ep. *Vienneensem* pertinentium. Praecedunt: *Ecclesiasticarum Rerum Excerpta de Duobus Conciliorum Tomis nuper* (anno 1538. a *Petro Crabbio* O. M. editis) *Coloniae Agrippinae impressis. Calculo laborans elaborabat et collegit Gandauo oediuo Joannes Fabri Episcopus Viennensis Anno M. D. XXXX. Mense Aprili.* Indicis loco in hos II.
To-

Tomos servire poterant, sed non servivere diu bono Praefuli anno sequente XII. Cal. Junias vivis exemto.

II. fol. 44. *Loca ex duobus Tomis Conciliorum annotata de Primatu Petri ac Romane ecclesie, quibus quoque Concilijs praesederint Pontifices Romani, aut eorum Legati, Vicegerentes.*

III. fol. 52. *Consultatio ac Bona Informatio quibus rationibus S. R. Caes. Maestas dominus noster Clementissimus (Carolus V.) in Rebus Sacrosancte religionis ac ex altera parte de novis seditiosis ac perniciosis pestilentissimisque sectis ad futurum conuentum imperialem ac alias quoque tractare constituere ac ordinare, ut Caesaris officium est catholici possit ac debeat.* Grave Scriptum, anno, ut opinor, 1530. confectum; meminit enim *Turcarum Tiranni anno proximo ad obsidendam Viennam accelerantis* Autor, quem *Johannem Fabrum* habeo, cum *Ferdinandum Regem iterato Dominum suum clementissimum* adpellet, quod *Fabro* familiare.

IV. fol. 68. *Responsio Caroli V. Protestantibus data 2. Aug. 1530. ut Cod. CCCCLIV. &c. et Coelestini Hist. Comitior. Aug. T. III. p. 1.*

V. fol. 102. *Retractatio et libera Confessio (Henrici VIII.) Regis Angliae De anno 1539. Articuli, quos continet, referuntur a Sleidano Hist. L. XII.*

VI. fol. 104. *Ableynung eynes schweren yrtumbs vom Hochwyrdigen Sacrament des Altares &c.*

Durch D. Johann Fabri Bischoff zue Wyen MDXXXVIII. Versio est Opusculi ad Senatum Pragensem titulo: Confutatio gravissimi erroris asserentis in Sacramento Altaris post consecrationem non esse totum et integrum Christum &c. 1537. quod extat P. III. Opp. Fabri Colon. 1537 — 39. f. eique molestias concivit, ut habes Cod. CCCCLX. Versio manu illius limata est.

VII. fol. 133. *Notata quaedam de Communionem sub utraque Specie. Initium: Ad complanandum articulum communionis sub utraque consideranda sunt multa. &c. Refelluntur Utraquistae.*

VIII. fol. 138. *Super confessione Lutherana iudicium. Auto. Jo. Fa. (bro) Epi. Viennen. Haganoae Anno 1540. Germanice, sed imperfectum, non nisi ad IV. Articulum pertingens. Scriptum tempore Conventus, qui ibi 25. vel 28. Junii coepit, Ferdinando Rege, in cujus comitatu erat Faber, jam mensum unum antea eo delato.*

IX. fol. 146. *Kurtze Ausfuehrung, warumb sich die protestierenden Stende auf die Confession zu Augspurg im dreyszigsten Jar der Ro. Kay. M. übergeben, mit gueten gewissen nit zu ziehen vnd zu vertrosten haben. Rationes V. a Fabro itidem Haganoae expositae, cur Confessio Augustana respuenda sit.*

X. fol. 150. *Joannis Fabri Ep. Viennensis in materia fidei, religionisque Colleganea. Enumerantur Scripta XIX. non omnia impressa,*

3251

C O D I C E S

3252

pressa, neque in *Codd.* haecenus recensitis occurrentia. Elenchus ad completam *Fabri* βιβλιογραφίαν opportunus.

XI. fol. 152. *Recessus qui per Cesaream Maiestatem Eleotori Saxonie Principibus et sex Ciuitatibus Lutheranis Propositus fuit Quem acceptare noluerunt.* Extat, sed paullo alia phrasi in *Coelest. Hist. Comitior. Aug. T. III. f. 137.* in *Lunigii Archiv. Imp. Part. Gen. Continuat. p. 540.* et aliis.

XII. fol. 154. *Johannis Fabri Argumentum in Librum, quem per decursum adpellat Collationem, qua Confessio Augustana confunditur, et se ipsam suo mucrone confodit.* Initium est: *Gloriosissimus ac inuisibilissimus Imp. Carolus — dum anno a Christo nato M. D. XXX. pro sua innata virtute &c. Liber ipse abest, nec facile dispicias, ad quam ex tot polemicis Fabri lucubrationibus Argumentum istud pertineat.*

XIII. fol. 158. *Gallici Oratoris (Lazari Bayfii) Sententia ex ejus oratione ad status imperij habita, considerata: Haganoæ 16. Julij. 1540.* Initium: *Christianissimus Rex cum intellexisset diem ad sedandas Germaniæ controuersias Spire fuisse indictam &c. Brevis et Protestantibus infesta. De regis sui origine ait Orator: quam ex Germanis non sine animi bilari-tate deduxisse gaudet.*

XIV. fol. 160. *Scriptum germanicum Conciliatorium inter Catholicos et Protestantes, quod in-*

cipit: Dese Nachvolgende Meinung haben etliche wenige guetherzige leut von beden tbeilen die man Babstisch vnnnd Luterisch nennet — zusammen gesetzt &c. Ad calcem: Recognouimus philippus Melanchton et Martinus Butzerus. Non inuenio mentionem hujus Opusculi, quod de Peccato originali, libero Arbitrio, Poenitentia, Baptismo, Coena Domini, Confirmatione, Vocatione Ministrorum, extrema Unctione, Ciborum delectu, Monachatu, Cultu SS. Festis, Oratione pro Defunctis, et Magistratum officio tractat.

XV. fol. 185. *Senatus Consultum pro variarum opinionum abolitione in aliquot suis partibus christianam religionem concernens. Sunt Decreta Anglicana 1540. de quibus videri potest Burneti Historia Reformat. Eccl. Anglic. L. III. ad hunc annum. Initium est: Cum excellentissima regia maiestas sit diuino iure huius vniuersalis ecclesie ac congregationis Anglicane immediate sub deo supremum caput &c. Catholica sunt pleraque, quae tunc ad tempus statuebantur.*

XVI. fol. 194. *Canones de Coniugio et Continentia sacerdotum. Incipiunt a Concilio Ancyrano celebrato circa 314. et in Matsconensi I. circa 582. desinunt.*

XVII. fol. 205. *Idem Scriptum germanicum, quod supra N. IX.*

XVIII. fol. 210. *Rhythmus vernaculi contra Lutheri Adfclas:*

Mücht

3253

S Y N O D I C I.

3254

*Mücht es geschehn Cristlicher Zucht
ich redt gern von Luterischer frucht
was Tugent sie sich geflissen
wolten eurn glauben wissen &c.*

Finis:

*Ach herr gedenck wir sein getauft
darzu mit christus Phuet erkaufft.*

XIX. fol. 219. Quaedam ad Rupertum de Mosheim olim Pafsor. Eccl. Can. et Decanum, de quo Cod. DXXXIII. pertinentia, et in primis ea, quae de IV. Libris suis de Monarchia et Palingenesia christiana Fidei per Julium Pflugium, per Cancellarium Mogunt. et D. Jacobum Reiter ad Electorem Mog. referri voluit, lingua germanica; dein latine: *Iudicium datum Sacre Re. Maieſtati per doctorem Nauseam et Joann. Cocleum super negotio Ruperti de Mosheim Decani olim Patavienſis. Acta Hagnoe Mense Julio Anno. 1540.* Brevis, sed graphica Hominis fanatici adumbratio.

DCCCCLXVII.

¹²⁴ Codex chartaceus lat. germ. Sec. XVI. Folior. 283. f. *Johannis Fabri Ep. Viennensis Adversariis* addendus, eiusque olim *ἔρμῆα*, ut, cum formula impressa thecae adglutinata, tum manu *Henrici Pffleger* scripta testatum facit, continet sequentia: I. *Decretum Concilii Constantiensis*, quo decernit *Communione sub utraque specie non esse sub praecepto*, et

quod uniuersalis ecclesie consuetudo de Communionem sub una specie seruanda sit, secus facientes aut sentientes impie sentire decernit. Pertinet ad Sessionem generalem XIII. an. 1415. 15. Junii celebratam, legiturque apud *Labbeum T. XVI. Concc. edit. Venet. col. 218.* et *Herm. von der Hardt Concil. Const. T. IV. P. 4. p. 332.* cum nonnullis Variantibus.

II. fol. 3. *Abiuratio Hieronymi de Praga.* Pertinet ad Sessionem XIX. 23. Septembr. habeturque apud *Labbeum col. 292.* et *Herm. von der Hardt P. 8. p. 503.*

III. fol. 8. *Declarationes novae Iglavienses Compastatorum Pragensium anni 1433.* Extant in *Leibnitii Mantissa Cod. J. G. diplom. p. 147.* datae *Iglauiae Olomucensis Diocesis die quinta mensis Julij. Anno domini 1436.* Sed non viderit magnus *Leibnitius* Descriptiones VI. *Sigillorum*, quae in *Codice* nostro additae sunt, videlicet *Sigismundi Imp. Alberti Ducis Austriae*, et *Legatorum Concilii Basil. ad Bohemos et Moravos Philiberti Ep. Constantiensis Prov. Rothomag. Job. de Palomar Archidiaconi Barchinonens. Martini Bernerii Decani Turo-*
nens.